

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 33. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj 21/23 i 4/24), na prijedlog Ministarstva zdravstva, Vlada Zeničko-dobojskog kantona, na 21. sjednici, održanoj dana 15.03.2024. godine, d o n o s i

ODLUKU

o usvajanju Programa utroška sredstava Ministarstva zdravstva na poziciji 821300 “Nabavka opreme” Budžeta Zeničko-dobojskog kantona za 2024. godinu

Član 1. (Predmet)

Usvaja se Program utroška sredstava u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 821300, pozicija „Nabavka opreme“ Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u ukupnom godišnjem iznosu od 20.000,00 KM (slovima: dvadesethiljada konvertibilnih maraka) koji čini sastavni dio ove odluke.

Član 2. (Način realizacija sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-5259/24
Datum, 15.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x „Službene novine Zeničko-dobojskog kantona“,
1x a/a.

P R O G R A M
utroška sredstava Ministarstva zdravstva na poziciji 821300 "Nabavka opreme"
Budžeta Zeničko-dobojskog kantona za 2024. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2024. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 821300, pozicija „Nabavka opreme“.

II. SVRHA PROGRAMA

Svrha ovog programa jeste nabavka uredske opreme i namještaja budućim uposlenicima za čiji prijem je u toku konkursna procedura.

III. VISINA SREDSTAVA

Sredstava utvrđena ovim programom iznose na godišnjem nivou 20.000,00 KM (slovima: dvadesethiljadakonvertibilnihmaraka) i utrošiće se, u okviru planiranih sredstava, za nabavku uredske opreme i namještaja i to:

Redni broj	Naziv predmeta nabavke	Planirana sredstva
1.	Uredski namještaj	11.700,00 KM
2.	Uredska oprema	8.300,00 KM
UKUPNO		20.000,00 KM

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 821300, pozicija „Nabavka opreme“.

V. KORISNIK SREDSTAVA

Krajnji korisnik sredstava je Ministarstvo zdravstva koje će u skladu sa Zakonom o javnim nabavkama („Sl. glasnik BiH“, broj 39/14 i 59/22) izvršiti odabir dobavljača te na osnovu dostavljenih faktura za isporučene robe transferisati planirana sredstva.

VI. KRITERIJ ZA RASPODJELU SREDSTAVA

Kriteriji raspodjele sredstava će biti utvrđeni u postupaku provođenja javnih nabavki u skladu sa Zakonom o javnim nabavkama i pozitivnim zakonskim propisima.

VII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 46. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 21/23 i 4/24) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-5259/24

Datum, 15.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.